

AstroAwani

8 Februari 2018

<http://www.astroawani.com/berita-sukan/uthm-bekerjasama-bantu-pembangunan-sukan-sepak-takraw-167713>

UTHM BEKERJASAMA BANTU PEMBANGUNAN SUKAN SEPAK TAKRAW

Awani Rangers UTHM, AstroAwani | Diterbitkan pada Februari 08, 2018 19:24 MYT

Facebook Twitter Email Google whatsapp icon

UTHM bekerjasama bantu pembangunan sukan sepak takraw



Program ini adalah kesinambungan dan penjenamaan semula Kelab Sepak Takraw Putra Rengit sebelum ini dan kini mempunyai keahlians seramai 52 orang ahli - Foto AWANI Rangers UTHM

RENGIT: Universiti Tun Hussein Onn Malaysia (UTHM) dan Rengit Rangers Sepak Takraw Club akan bekerjasama dalam mengaplikasikan program perkongsian maklumat menerusi Pembangunan Sepak Takraw Rengit - UTHM bagi merancang program pembangunan peringkat akar umbi.

Sebanyak 10 pasukan yang melibatkan 50 pemain dan 10 pegawai sekitar Rengit telah berjayadikumpulkan sempena penganjuran Rengit Rangers Sepak Takraw Battle 2018 ini.

Menurut Presiden Kelab dan juga Penolong Pegawai Belia dan Sukan Pusat Sukan UTHM, Mohd Hazrin Abd Rahman, Rengit Rangers Sepak Takraw Club adalah kesinambungan dan penjenamaan semula Kelab Sepak Takraw Putra Rengit yang kini mempunyai keahlian seramai 52 orang ahli.

"Ia merupakan kali pertama transformasi dibuat ke atas logo rasmi dan penganjuran aktiviti kelab. Transformasi ini dilakukan seiring dengan tuntutan semasa dan mengambil kira kepada penambahan baik kelab.

"Menerusi penjenamaan ini kelab dengan kerjasama UTHM akan berganding bahu memperkasakan program pembangunan sepak takraw lelaki dan wanita merangkumi pelbagai peringkat umur iaitu remaja, belia dan veteran sejajar dengan hasrat universiti bagi menjalinkan kerjasama erat dengan masyarakat selain menyediakan platform perkongsian pintar melalui kepakaran, fasiliti, kepakaran serta khidmat sukarelawan," katanya.

Rengit Rangers Sepak Takraw Club ditubuhkan baru-baru ini melancarkan logo rasminya bagi memberikan imej yang lebih segar kepada kelab tersebut.

Majlis pelancaran ini disempurnakan oleh Ahli Dewan Undangan Negeri (ADUN) Rengit, Ayub Jamil selaku Presiden Persekutuan Sepak Takraw Daerah Batu Pahat di Dewan Seri Warisan, Kampung Belahan Tampok, Rengit pada 27 Januari lalu.

Dalam majlis tersebut Ayub turut merasmikan Rengit Rangers Sepak Takraw Battle 2018 dan bersetuju membiayai sepenuhnya aktiviti kelab ini antaranya penganjuran kejohanan sepak takraw sebanyak dua kali sebulan dengan peruntukan sebanyak RM5,000.00.